



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. II. Vtraque difficultas, dupli conclusione resolvitur

[urn:nbn:de:hbz:466:1-77355](#)

ARTICVLVS PRIMVS.

Quot, & que ponenda sint dotes in anima beata, & an illæ sint habitus vel operationes?

§. I.

Præmittitur quod apud omnes est certum.

1. **S**VPPONIMVS tanquam certum & indubiatum apud Theologos, in beatis dotes debere admitti. Dos enim à lurisperitis accipitur pro dono quō sponsa dotatur, quando in dominum sponsi solemniter traducitur, tum in solatum matrimonij, ejusque sustentationem, tum in ornatum ipsius sponsa, ut dicitur lege *dotis ff. de jure dotium*: unde cùm in beatitudine sit conjunctio perpetua inter animam & Deum, & velut spirituali quoddam coniubium, rechè à Theologis assignantur dotes, quasi ornamenta quædam sponsa, alia quidem ex parte animæ, de quibus in præsentia agimus; & alia ex parte corporis, de quibus articulo sequenti.
2. Dices primò: Dos secundum jura non consuevit dari à patre sponsi, vel ab ipso sponso, sed à patre sponsa: Atqui omnia dona beatitudinis dantur beatis à patre sponsi, scilicet Christi, secundum illud Iacobi 1. *Omne datum optimum, & omne donum perfectum, de sursum est descendens à Patre luminum*: Ergo dona beatitudinis non possunt appellari dotes, per similitudinem ad matrimonium carnale.

3. Respondeo primò, quod licet regulariter sponsa dotetur à patre suo, tamen aliquando dotatur à patre sponsi, aut ab ipso sponso, vel in pœnam, ut si ipse seduxit virginem & corrupit, ut dicitur Exodi 22. vel propter inæquitatatem conditionis, ut si puella sit longè nobilior, aut junior; vel denique ex nimio affectu & amore ad sponsam, cuius paupertatem aut desolationem vult dote recreare: unde Genes. 34. Si chem ob ardenter amorem erga Diannam dixit Iacob & filiis ejus: *Augete dotem, & postulate munera*. Et propter hanc ultimam rationem, in beatitudine dos tribuitur animæ beatæ ab ipso sponso, sive à Christo, ob nimiam scilicet charitatem quam eam diligit.

4. Secundò responderi potest cum D. Thoma in supplemento quæst. 95. art. 1. ad 2. concessi Majori, negando Minorem: nam *Pater sponsi, scilicet Christi, est Persona sola Paris*; Pater autem sponsa est tota Trinitas: effectus autem in creaturis ad totam pertinent Trinitatem. *Vnde huiusmodi dotes in spirituali matrimonio, propriè loquendo, magis dantur à patre sponsa, quam à patre sponsi*.

5. Dices secundò: Dos assignatur sponsa, & traditur sponso, ad sustinenda onera matrimonij: Atqui in matrimonio spirituali animæ ad Deum, quod incipit in via per fidem & charitatem, & consummatur in patria per claram Dei visionem, nulla sunt onera, sed potius summa jucunditas & delectatio: Ergo in eo dos assignari non debet.

6. Respondet D. Thomas loco citato in solutione ad 3. quod *dobis per se convenit illud quod per doles efficitur, scilicet solatum matri-*

A monij, sed per accidens illud quod per eas removatur, scilicet onus matrimonij quod per eas levatur; sicut gratia per se competit facere justum, sed per accidens, quod de impi faciat justum. Quamvis ergo in matrimonio spirituali non sint aliqua onera, est tamen ibi summa jucunditas; & ad hanc perficiendam dotes sponsa conferuntur, ut scilicet delectabiliter per eas sponso conjugatur.

Addo quod, dos non assignatur solum ad sustinenda onera matrimonij, sed etiam ad decentiam & ornatum sponsa, ut si decentius conjugatur sponso: unde alia est dos naturalis, quæ ipsi feminis à natura tribuitur, scilicet virginitas & pudor; alia civilis, quæ consistit in bonis fortuna & ditiis: ut ergo anima beata exornetur & decoretur, ac decentius coelesti Sponso conjugatur, debent illi assignari & conferri dotes, quando in dominum Sponsi solemniter traducitur, & in coelestem patriam introducitur. Quærimus igitur, quot & quæ sint hujusmodi dotes, & an illæ sint habitus vel operationes?

§. II.

Vtique difficultas, duplice conclusione resolvitur.

Dico primò: Tres tantum sunt dotes animæ beatæ, scilicet visio, comprehensio, sententio, & delectatio. Ita D. Thomas l. p. qu. 12. art. 7. ad 1. & in supplemento qu. 95. citata, art. 3. & alij Theologi communiter.

Probatur conclusio ratione fundamentali. De ratione doris tria sunt: primum est, ut solum in patria conveniat: nam dos datur ratione matrimonij consummati & indissolubilis; matrimonium autem spirituale Dei cum anima, quod hic inchoatur per fidem & charitatem, solum consummatur & redditur indissoluble in patria; adeoque solum in patria dotes sunt admittende. Secundum est, quod ad solum Sponsum dos terminetur & referatur: matrimonium enim facit ut sponsa fiat unus spiritus cum Sponso coelesti; atque adeò sola illa perfectio quæ cum Sponso conjugit, nomen doris meretur. Tertium est, quod eadem dos respondeat solis virtutibus Theologicis: quia enim per illas solum contrahuntur sponsalia in hac vita, iuxta illud Osca 2. *Sponsabo te mihi in fide*, ideo dotes matrimonium ornantes illis solum debent correspondere. Atqui (subfumo) solum tribus praeditis, visioni scilicet, comprehensioni, & delectationi, tria enumerata convenient: Ergo tres tantum sunt dotes animæ beatæ &c. Minor subsumpta probatur: & in primis, quod tres enumeratae conditions, tribus praeditis convenient, patet: nam illa tria convenient animæ solum in patria; eam intime cum coelesti Sponso conjungunt; & fidei, ratione claritatis correspondet visio, illiusque imperfectionem & obscuritatem excludit; comprehensionis autem correspondet spes, nam per illam tenemus Deum, ad quem currebamus per spem, unde illius imperfectionem tollit; denique delectatio charitati correspondet, illiusque imperfectionem removet, quatenus objectum, quod absens per charitatem amabatur in via, fit praefens per gaudium & delectationem in patria: Ergo &c.

Quod autem nulli alteri perfectioni hæc tria competere possint, videtur etiam manifestum: nam gratia, charitas, virtutes morales, dona

Spiritus Sancti, gratiae gratis datae, & similia A dona vel charismata, communia sunt viæ & patræ: peculiares autem revelationes quas beati habent extra verbum, aureole, & alia gaudia accidentalia, versantur circa aliquid creatum, non circa ipsum Deum immediate; neque correspondent virtutibus theologicis, quibus contrahuntur sponsalia in hac vita.

Addo quod dos (ut docet D. Thomas loco citato) disponit & habilitat sponsam ad ipsam beatitudinem, quasi ad conjunctionem cum Deo, non autem illam comitur aut consequitur; unde etiam in cibibus dona quæ sponsus post consummationem matrimonij largitur sponsæ, non dicuntur propriæ dos, sed sponsalitia largitas, aut donatio inter conjuges: At præfata particulares revelationes, seu charismata, post beatitudinem consequuntur in anima, nec omnibus beatis sunt communia, sicut dotes, sed quibusdam tantum, ut aureole: Ergo nulli alteri, præterquam visioni, comprehensioni, & delectationi, conditiones ad rationem dotis requisita convenient. Ex quo solvuntur omnia argumenta, quæ contra hanc conclusionem fieri solent.

9. Dico secundò: Dotes consultunt in habitibus, connotando operationes, tanquam proprios actus.

Est contra plures ex Recentioribus, qui dotes animæ non est habitus, sed actuales operationes docent; vel supponunt. Est tamen D. Thomæ loco supra citato ex supplemento art. 2. in corp. ubi sic ait: *Dicendum quod beatitudo & dos realiter differunt, ut beatitudo dicatur ipsa operatio perfecta, quæ anima beata Deo conjungitur; sed dotes dicuntur habitus, vel dispositiones, vel quacunque alia qualitates, quæ ordinantur ad hujusmodi perfectam operationem.* Et in solut. ad 3. *Visio* (inquit) dupliciter potest accipi, uno modo actualiter, id est pro ipso actu visionis; & sic visio non est dos, sed est ipsa beatitudo: alio modo potest accipi habitualiter, id est pro ipso habitu à quo talis operatio elicetur, id est pro ipsa gloria claritate, quæ anima divinitus illuminatur ad Deum videndum; & sic est dos, & principium beatitudinis.... Et similiter dicendum ad quartum de fruitione.

10. Nec valet quod aliqui dicunt, D. Thomam retractasse illam sententiam hic qu. 4. art. 3. dotes animæ explicando nominibus importantibus operationem, dum ait: *Necesse est ad beatitudinem istam concurrere, scilicet visionem, quæ est cognitio perfecta intelligibilis finis, comprehensionem, quæ importat presentiam finis; delectationem vel fruitionem, quæ importat quietationem rei amantis in amato.* Non valet (inquam) tum quia in illo articulo non loquitur de visione, comprehensione, & fruitione, ut sunt dotes, sed ut sunt operationes quedam beatitudinem constitutives, vel ad illam pertinentes, nec ullam planè dotes facit mentionem: tum etiam quia loco citato ex supplemento, eodem modo visionem & fruitionem appellat nominibus importantibus operationem; & tamen nulli dubium esse potest, ibi tenuisse nostram sententiam: Ergo quod isdem nominibus hic utatur, non potest esse signum retractionis. Adeo quod, ut praedictæ dotes nominibus importantibus operationes explicitent, sufficit quod illas in oblique & de connotato importent, ut affert secunda pars conclusionis.

Tom. III.

Probatur insuper conclusio ratione fundamentali, quam idem S. Doctor locis citatis insinuat. Dotes disponunt & exornant animam ad intimam conjunctionem cum Deo, ut ex sua dictis patet: At visio, comprehensio, & delectatio, ut sunt operationes, non disponunt animam ad tales conjunctionem, sed vel sunt ipsa conjunctione, vel aliquid eam subsequens: Ergo ratio dotis non auctibus, sed habitibus competit.

Confirmatur: Ratio dotis transferratur à Theologis ex propria significacione, quæ importat munus datum sponsæ in carnali matrimonio, ad significanda ornamenta, quæ animam beatam perficiunt in supernaturali conjugio: At in prima significacione, non actum, sed habitum importat: Ergo & in secunda habitum, & non actum, debent significare.

Confirmatur amplius: Sicut in matrimonio carnali nullus, nisi ridiculè, assignare potest pro dote ipsam consummationem matrimonij, aut aliquid consecutum ex consummatione, sed necessariò assignari debet aliquid antecedens, & quasi habilitans & ornans sponsam, ut coniugatur sponso, & traducatur in dominum ejus: ita pariter absurdum videtur, assignari pro dotes animæ beata ipsam visionem, quæ est ipsa consummata affectio finis, & conjunctione ad Sponsum, seu consummatio supernaturalis matrimonij, quod Deus contrahit cum anima beata, & delectationem seu fruitionem, quæ sunt operationes post consummationem secute: Ergo dotes animæ beata, non in hujusmodi operationibus, sed in habitibus luminis gloriae & charitatis, eas antecedentibus, debent formulariter consistere; & hujusmodi actus ad summum de connotato & in obliquo importare, ut affert secunda pars conclusionis. Quod ut magis declaretur, & Adversariorum argumentis occurrat:

14. Advertendum est, duplum rationem seu formalitatem in his habitibus reperi: nam primò habent quod sint principia eliciendi operationes, quæ vel sunt consummatio beatitudinis, vel ad illam sequuntur; & sic non magis induunt rationem dotis, quam ipsa consummatio matrimonij: secundò, quod elevent animam ad quandam statum altiore, & dissimilem à statu via, ratione cuius non possunt amplius habere imperfectiones hujus vitæ; & sub hac ratione induunt rationem dotis, id est ornat, dispositionis, & habilitationis sponsæ ad illas nuptias divinas. V. G. lumen gloriae non solum habet munus eliciendi visionem Dei, sed etiam disponendi intellectum ad recipiendam divinam essentiam loco speciei, & ita clarificandum intellectum, quod non sit capax ullius obscuritatis & fidei, sed solum evidentiæ & claritatis; & sub hac ratione vocatur visio habitualiter & per modum dotis, quatenus ex vi illius luminis videtur sumnum visibile, & non remanet intellectus in statu ullius obscuritatis & imperfectionis. Similiter comprehensione quatenus est dos, dicit eundem habitum luminis gloriae, non ut clarificantem intellectum, & disponentem ad recipiendam essentiam divinam ut speciem intelligibilem (sub hac enim ratione & formalitate, ut diximus, constituit dotem visionis) sed ut tenentem habitualiter ipsam visionem, quæ est tentio seu comprehensio actualis, ut magis constabit ex infra dicendis. Dos

K ij

DISPUTATIO QUINTA DE DOTE

76 denique fruitionis seu delectationis, est ipse habitus charitatis, non ut est principium amoris (sub hac enim ratione reperitur etiam in via) sed ut caufans delectationem beatificam, quæ specie ab amore differt, & ut sic solum reperiatur in patria.

15. Dices: Essentialis beatitudo consistit in operatione: Ergo ornamenta illius, qualia sunt dotes, in operatione, & non in habitu debent consistere. Consequens patet: operatio enim non dicitur cum proprietate ornari per habitus.

Confirmatur: Dotes matrimonium exornant, ut accidentia illius, & consequenter illud consummatum supponunt: At matrimonium consummatur essentialiter beatitudine consistente in actu: Ergo dotes non in habitibus, qui beatitudinem essentiali præcedunt, sed in actibus illam consequentibus sunt constituenda.

16. Ad instantiam respondeo, dotes esse ornamenta beati in concreto, non autem beatitudinis in abstracto; nisi ex ratione quæ dispositio antecedens vel concomitans formam, potest dici ornamentum illius: Beatus autem habitus & actibus exornatur, illis ut dotibus, istis ut complemento dotium. Ex quo patet solutio ad confirmationem: dotes enim non tam matrimonium quam contrahentes exornare dicuntur.

S. III.

Corollarium notatum dignum.

17. EX dictis inferes contra aliquos ex nostris Thomistis, dote comprehensionis, neque in relatione ad finem presentem & habitum in voluntate existentem, neque in habitu charitatis consistere, sed in habitu luminis gloriae, ut tenente habitualiter visionem, quæ est tentio & comprehensio actualis.

18. Prima pars patet ex dictis: Nam ex D. Thoma supra ostendimus dotes esse habitus, qualitates, aut dispositiones: Sed comprehensionis veram habet rationem dotes: Ergo non in relatione, sed in habitu consistit.

Confirmatur: Comprehensio est terminus insecuritatis spei, & illius imperfectionem exclusens: At insecuritas spei non est ad relationem, sed ad ejus fundamentum, per quod spei imperfectionis excluditur: Ergo non in relatione, sed in aliquo relationem fundante debet consistere.

19. Secunda pars suadetur: Comprehensio idem est quod tentio & affectio: Sed affectui & tenere objectum, non spectat ad voluntatem, quæ affectu non est, ut docuit D. Thomas supra qu. 3. art. 4. Ergo comprehensionis est habitus luminis gloriae existens in intellectu, qui affectivus est, & veluti manus intellectualis animæ, quæ objecta tenet & apprehendit, ut disp. 3. art. 2. fusè expendimus.

S. IV.

Solvuntur objectiones.

20. OBIECTUS primò: D. Thomas hic qu. 4. art. 3. ad 2. ait: *Sicut ad voluntatem perinet spes & amor.... ita etiam comprehensionis & delectatio.* Et in resp. ad 3. *Comprehensionis, inquit, non est aliqua operatio, præter visionem, sed quedam habitudo ad finem habitum:* Ergo ex D. Thomas comprehensionis spectat ad voluntatem, nec est operatio, vel habitus, sed habitudo voluntatis ad finem jam habitum.

A Respondeo, comprehensionem spectare ad voluntatem, non eliciti, sed objective & terminative, in quantum summum bonum, comprehendens per intellectum, est objectum voluntatis, & finis seu terminus in quo voluntas quiescit.

Ad illud quod subditur, dicendum est comprehensionem importare prædictam relationem in voluntate, non ut constituentem dote, sed ut quid consecutum ad illam: ex eo enim quid intellectus per lumen gloriae & beatificam visionem finem consequitur, resultat in voluntate relatio seu habitudo ad finem jam habitum, in quo tanquam in termino voluntas quietit.

Objicies secundò: Visio & comprehensio sunt dotes distinctæ: At visionis dote consistit in lumine gloriae, ut habitualiter Deum vidente: Ergo comprehensio non in lumine, nec in aliquo ad intellectum, sed ad voluntatem spectante, deberet consister.

Respondeo prædictas dotes solum ratione distinguiri; ad quod sufficit quod lumen, ut est dos visionis, tendat ad Deum ut clarè videndum, & corresponeat fidei; ut vero comprehensio est, tendat ad Deum, ut voluntati tenendum & propinquendum, & corresponeat spei.

Objicies tertio: Comprehensio est terminus insecuritatis spei, ejus imperfectionem exclusens: At lumen gloriae non est terminus insecuritatis spei, sed potius visio; cum per spem non tendamus ad tenendum per habitum, sed per actum perfectè & consummate tenentem: Ergo dato quod dote comprehensionis spectaret ad intellectum, non in habitu luminis, sed in actu visionis deberet consistui.

Respondeo distinguendo Majorem: Est terminus insecuritatis spei, exornans & disponens animam ad conjunctionem cum Deo, concedo Majorem: terminus conjungens cum Deo, nego Majorem. Similiter distinguo Minorem: Lumen gloriae non est terminus insecuritatis spei, actu conjungens cum Deo, concedo Minorem: exornans & disponens ad conjunctionem cum Deo, nego Minorem, & Consequentiam. Itaque per spem tendimus ad conjunctionem cum Deo, quæ sit per visionem, tendimus etiam ad ornatum animæ, illam ad prædictam conjunctionem disponentem; & hæc secunda tendentia tollitur per lumen gloriae, animam exornans & disponens ad actualem cum Deo conjunctionem: dos autem comprehensionis, non in actuali conjunctione cum Deo, sed in ornamento animæ ad illam disponente, debet consistere, ut ex supra dictis patet.

E

ARTICVLVS II.

Quatuor dotes corporis gloriose explicantur.

25. VENAMODVM in ingressu beatitudinis anima desponsata Christo, & ad matrimonium, domum, & gremium sponsi, indissolubili nexu ex tunc admissa, accipit tres dotes, scilicet visionem, comprehensionem, & fruitionem, ut articulo præcedenti ostensum est: ita corpus in resurrectione, quando animæ beatae coniungentur, quatuor dotes seu ornamenta recipiet,